

ФУҚАРОЛИК ҚОНУН ҲУЖЖАТЛАРИНИНГ АСОСИЙ НЕГИЗЛАРИ**Хушбокова Нигора Ғайрат қизи**Термиз давлат университети Юридик факультети Юриспруденция таълим йўналиши 3-
босқич талабасиNigora.0303@icloud.com

Аннотация: ушбу мақолада бугунги кунда мамлакатимизда амалга оширилаётган ислоҳотлар, фуқаролик муомаласи иштирокчилари билан боғлиқ муносабатларни ҳуқукий тартибга солиш билан боғлиқ муносабатлар, бозор муносабатларига ўтиш, иқтисодиётда хусусий мулкнинг мавқейини ошириш ва фуқаролик ҳуқуқининг асосий тамойиллари кенг ёритиб берилган.

Калит сўзлар: фуқаролик ҳуқуки, иқтисодиёт, хусусий мулк, шартномалар, товар, хизмат ва молиявий маблағлар.

Мамлакатимиз миллий ҳуқуқ тизимидағи етакчи ҳуқуқ тармоқларидан бири бўлиб фуқаролик ҳуқуки хисобланади. Фуқаролик ҳуқуки мамлакатимизда бозор муносабатлари кенг ривожланаётган, фуқаролик жамияти шаклланаётган, кишиларни имкониятларини рўёбга чиқаришни таъминлаш мақсадларида мулкий муносабатларни ҳамда мулкий характерда бўлмаган шахсий муносабатларни тартибга солиш, мустаҳкамлашга қаратилган ҳуқукий нормалар йиғиндисидан иборатdir.

Мамлакатимизда амалга оширилаётган ислоҳотлар фуқаролик муомаласи иштирокчилари билан боғлиқ муносабатларни ҳуқукий тартибга солиш билан бевосита боғлиқдир. Бозор муносабатларига ўтиш, иқтисодиётда хусусий мулкнинг мавқеини ошириш, хусусий мулкдорлар синфини шакллантириш, тадбиркорлик фаолиятига кенг йўл очиб бериш, бозор инфратузилмаси институтларини ташкил этиш, рақобат мухитини шакллантириш, тадбиркорлик фаолияти субъектлари ҳуқуқ ва манфаатларини ҳимоя қилиш айни кунда долзарб масалалардан хисобланади.

Дарҳақиқат, ижтимоий ҳаётимизнинг барча соҳаларида туб ислоҳотлар амалга оширилмоқда. Иқтисодиёт либераллашиб, ислоҳотлар чуқурлашмоқда ва кишиларнинг тафаккури, ҳуқукий онг ва ҳуқукий маданияти юксалмоқда, ўз мулкий ва шахсий ҳуқуқларини ҳимоя қилиш борасида амалий кўникмаларга эга бўлмоқда.

Фуқаролик кодексининг 1-моддасида фуқаролик қонун ҳужжатларининг асосий негизлари белгилаб қўйилган. Асосий негизлар ёки бошқача айтганда, фуқаролик ҳуқуқининг асосий тамойиллари бу барча фуқаролик қонун ҳужжатлари мазмунига сингдирилган раҳбарий, асосий қоидалардир. Ушбу асосий тамойиллар фуқаролик қонун ҳужжатларини ишлаб чиқилишида, ҳуқуқни қўллаш амалиётида хусусан, суд амалиётида ўзига хос йўналтирувчи таъсир кучига эга. Одатда, умумий қоида бўйича фуқаролик-ҳуқукий нормалар унинг асосий

тамойиллари мазмунига зид бўлмаслиги лозим. Муайян ижтимоий муносабатлар бўйича фуқаролик қонун хужжатлари соҳасида бўшлиқлар бўлган тақдирда муаммолар фуқаролик хуқуқи тамойиллари асосида ҳал қилиниши белгилаб қўйилган.

Фуқаролик хуқуқи тамойиллари тизимиға қўйидагилар киради:

- ✓ фуқаролик қонун хужжатлари билан тартибга солинадиган муносабатлар иштирокчиларини тенглиги тамойили;
- ✓ мулк дахлсизлиги тамойили;
- ✓ шартномалар эркинлиги тамойили;
- ✓ хусусий ишларга бирон бир кишини ўзбошимчалик билан аралашишга йўл қўйилмаслиги тамойили;
- ✓ фуқаролик хуқуқларини тўсқинликсиз амалга оширилиши тамойили;
- ✓ бузилган фуқаролик хуқуқларини тикланиши тамойили;
- ✓ фуқаролик хуқуқларини суд орқали ҳимоя қилинишини таъминлаш тамойили;
- ✓ фуқаролар (жисмоний шахслар) ва юридик шахслар ўз фуқаролик хуқуқларига ўз эркларига мувофиқ эга бўлишлари ва бу хуқуқларни ўз манфаатларини кўзлаб амалга оширишлари тамойили;
- ✓ товарлар, хизматлар ва молиявий маблағларни Ўзбекистон Республикаси бутун худудида эркин ҳаракатлини тамойили.¹

Ўзбекистон Республикаси Фуқаролик кодексининг 1-моддасига мувофиқ, фуқаролик қонун хужжатлари улар томонидан тартибга солинадиган муносабатлар иштирокчиларининг тенглигини эътироф этишига, мулкнинг дахлсизлигига, шартноманинг эркинлигига, хусусий ишларга бирон-бир кишининг ўзбошимчалик билан аралашишига йўл қўйилмаслигига, фуқаролик хуқуқлари тўсқинликсиз амалга оширилишини, бузилган хуқуқлар тикланишини, уларнинг суд орқали ҳимоя қилинишини таъминлаш зарурлигига асосланади.

Фуқаролар (жисмоний шахслар) ва юридик шахслар ўз фуқаролик хуқуқларига ўз эркларига мувофиқ эга бўладилар ва бу хуқуқларини ўз манфаатларини кўзлаб амалга оширадилар. Улар шартнома асосида ўз хуқуқ ва бурчларини белгилашда ва қонун хужжатларига зид бўлмаган ҳар қандай шартнома шартларини аниqlашда эркиндирлар.

Товарлар, хизматлар ва молиявий маблаглар Ўзбекистон Республикасининг бутун худудида эркин ҳаракатда бўлади. Хавфсизликни таъминлаш, инсонларнинг ҳаёти ва соглигини ҳимоя қилиши, табиатни ва маданий бойликларни муҳофаза қилиши учун зарур

¹“Фуқаролик хуқуқи” дарслик. ЎЗБЕКИСТОН РЕСПУБЛИКАСИ АДЛИЯ ВАЗИРЛИГИ ТОШКЕНТ ДАВЛАТ ЮРИДИК УНИВЕРСИТЕТИ Ўзбекистон Республикаси Адлия вазирлиги юридик колледж ўқувчиларига мўлжалланган. Тошкент 2019.

бўлса, товарлар ва хизматлар ҳаракатда бўлишини чеклаш қонун ҳужжатларига мувофиқ жорий этилиши мумкин.²

Ушбу моддада фуқаролик қонун ҳужжатларининг асосий тамойиллари, яъни, моҳиятан, бутун фуқаролик ҳуқуқи тизимининг пойдевори бўлган энг асосий қоидалар ифодаланган ва мустаҳкамланган, унда Ўзбекистон Республикасида мулк, иқтисодий фаолият ва тадбиркорлик дахлсизлигининг конституциявий кафолатлари акс этган.

Фуқаролик қонун ҳужжатлари ушбу моддада баён этилган асосий негизлар (тамойиллар) ва кафолатлар фуқаролик қонун ҳужжатларига янги сифат ҳусусиятлари баҳш этиб, Фуқаролик кодексини Ўзбекистоннинг ижтиомий йўналтирилган бозор иқтисодиёти шаклланиши ва ривожланиши давридаги муҳим ҳуқуқий манба деб ҳисоблашга имкон беради.

Мазкур модданинг биринчи қисмида фуқаролик қонун ҳужжатлари асосий негизлари (тамойиллари)нинг рўйхати келтирилади. Улар жумласига қўйидагилар киради:

а) фуқаролик қонун ҳужжатлари билан тартибга солинадиган муносабатлар иштирокчиларининг tengligi тамойили. Бундай tenglik қўйидаги улуш услубий тартибдан келиб чиқади: фуқаролик – ҳуқуқий муносабатлар қатнашчилари бир-бирларига нисбатан тобе, қарам бўлмаган субъектлар (жисмоний ва юридик шахслар) ҳисобланадилар ва фуқаролик ҳуқуқларининг вужудга келиши, амалга оширилиши ва ҳимоя қилинишида қонунга биноан teng ва мустақил деб эътироф этиладилар. Ҳуқуқий муносабатлар қатнашчиларини бундай tengлиги уларнинг субъектив фуқаролик ҳуқуқларини tengligini англатмайди, балки унинг эгалари учун бундай ҳуқуқлар вужудга келиши, ўзgartирилиши, бекор бўлиши ва уларни бузганлик учун жавобгарликда tengligini назарда тутади.

Фуқаролик қонун ҳужжатларининг нарсаси бўлиб ҳисобланадиган ушбу муносабатларда уларнинг иштирокчиларини фуқаролик қонуни ва суд олдида tengligi уларнинг моддий ва ижтиомий нотенглигидан ҳамда ташкилий жиҳатдан бири бирига тобе, қарамлигидан қатъий назар амал қиласи ва бу шахслар ҳатти-ҳаракатларига фуқаролик ҳуқуқий таъсир қўрсатиш усулигагина хосдир. Фуқаролик ҳуқуқи субъектларининг ҳеч бири бошқасига буйруқ беришга ҳақли эмас.

б) мулк дахлсизлиги тамойилининг аҳамияти энг аввало, мулкдор томонидан ўз мол-мulkidan қонунда таъқиқланмаган ҳар қандай мақсадларга эришиши учун ўзининг шахсан эркин ҳоҳиш асосида фойдаланиш имкониятида намоён бўлади. Бу айни пайтда мулкдорга товон пули тўланиши ёки тўланмаслигидан қатъий назар мулк ҳуқуқини мажбурий бекор бўлишга йўл қўйилмаслигини ҳам англатади. Қўйидаги қоидага қатъий амал қилиш талаб этилади: – мулк ҳуқуқини мажбурий бекор бўлишига фақат қонунда бевосита назарда тутилган асослар мавжуд

² Ўзбекистон Республикасининг Фуқаролик кодекси. (2021 йил 1 марта бўлган ўзgartиши ва қўшимчалар билан). Ўзбекистон Республикаси Қонун ҳужжатлари маълумотлари миллий базаси www.lex.uz (расмий манба) асосида. Тошкент “Yuridik adabiyotlar publish” 2021. <https://lex.uz/docs/111189>

бўлгандагина йўл қўйилади. Бундай норма амалдаги Конституциянинг 53-моддасида мустаҳкамлаб қўйилган бўлиб, унга қўра «хусусий мулк бошқа мулк шакллари каби дахлсиз ва давлат химоясидадир. Мулқдор фақат қонунда назарда тутилган ҳолларда ва тартибдагина мулкидан маҳрум этилиши мумкин».

в) тартибга солинувчи бозор шароитларида шартнома эркинлиги фуқаролик ҳуқуқини ҳал қилувчи негизи сифатида намоён бўлади, бунда шартнома тарафларни муносабатларга ҳақиқатан ҳам эркин, ўз ташаббуси билан кираётганлигини ифодалайди. Шартнома мустақил субъектларнинг хўжалик алоқаларини ташкил этишининг асоси хисобланади. Шартнома эркинлиги тарафларни шартномавий муносабатларга киришишга ҳақиқий истаги ва эрк изҳори биринчидан, шартномани тузиш ҳаракатларида, иккинчидан, шартнома шартларини белгилаш ҳаракатларида, учинчидан эса шартнома мажбуриятларини бажариш бўйича ҳаракатларида намоён бўлади.

Тарафлар қонун хужжатларида назарда тутилмаган шартномани ҳам тузишлари мумкин. Фуқаролар ва юридик шахслар нафақат шартнома мазмунини белгилашда, балки шартнома бўйича шерикларини (контрагентларни) танлашда ҳам эркиндирлар. Улар моддий ёки маънавий турмушнинг у ёки бу турдаги предметларига нисбатан ўз эҳтиёжларини қаноатлантириш заруратига қараб шартномавий муносабатларга киришадилар. Шартнома тузишга мажбурлашга қонунда бундай ҳолат назарда тутилган ёки суд қарорида белгиланган бўлса йўл қўйилади. Истеъмолчига тегишли товарлар сотиш, иш бажариш, хизмат кўрсатиш имконияти бўлган ҳолда оммавий шартнома тузишдан бош тортишга йўл қўйилмайди. Давлат эҳтиёжлари учун товарлар етказиб бериш шартномасини тузиш давлат буюртмачиси учун ҳам, товарлар етказиб берувчи учун ҳам мажбурийдир.

г) хусусий ишларга ва шахсий ҳаётга бирон-бир кишининг ўзбошимчалик билан аралашишига йўл қўйилмаслиги фуқаролик қонун хужжатларининг асосий тамойилларидан хисобланади. Ўзбекистон Республикаси қонунларида назарда тутилган тартибдан ва ҳолатлардан ташқари ҳеч қандай давлат идораси ва маҳаллий ўзини-ўзи бошқариш органлари, шунингдек, бошқа ҳар қандай шахслар мулкий ва номулкий муносабатларга аралашувига йўл қўйилмайди. Ушбу тамойил амалдаги Конституциянинг 27-моддасида мустаҳкамлаб қўйилган «ҳар ким ўз шаъни ва обрўсига қилинган тажовузлардан, шахсий ҳаётига аралашишдан ҳимояланиш ва турад-жойи дахлсизлиги ҳуқуқига эга» деган нормага асосланади.

Хусусий ишларга бирон-бир кишининг ўзбошимчалик билан аралашишга йўл қўйилмаслиги тадбиркорлик субъектлари (якка тадбиркорлар ва тижорат ташкилотлари)ни ўз мол-мулкларини тасарруф этиши, даромадларини тақсимлаш, улардан фойдаланиш соҳасига давлат органлари ходимлари ва бошқа шахсларни ҳар қандай тазиикларига таъкиқни англатади.

Агарда қонунларда қандайдир талаблар белгилаб қўйилган бўлмаса, субъектларнинг ўз ишларида кимнингдир рухсатини олиш, маълумотлар тақдим этиш, бошқа бирорнинг

розилигини олиш талаб этилмайди. Шахсий, оилавий ва тижорат сирларига таълуқли маълумотларнинг тақдим этилишини талаб этиш таъқиқланади. Хусусий ишларга ҳеч кимнинг ўзбошимчалик билан аралашишга йўл қўйилмаслиги айни пайтда шахсий хаётга, шахсий хужжатларга ва шахсий муносабатларга аралашувларга ҳам таъқиқ қўяди.

Хусусий ишларга ҳеч кимнинг ўзбошимчалик билан аралашишига йўл қўйилмаслиги тамойили талабларини рўёбга чиқаришда Фуқаролик кодексининг 15-моддасида белгилаб қўйилган давлат органлари ва маҳаллий ўзини ўзи бошқариш органлари ёки ушбу органлар мансабдор шахслари томонидан содир этилган ғайриқонуний ҳаракатлар натижасида фуқароларга ва юридик шахсларга етказилган заарнинг қопланиши тўғрисидаги нормаси мухим аҳамиятга эга.

д) фуқаролик ҳуқуқларининг ҳеч қандай тўсқинликларсиз амалга оширилиши тамойили Фуқаролик кодексининг кўпгина нормаларида, хусусан унинг ўзига хос жиҳатлари Фуқаролик кодексининг 9-моддасида ўз ифодасини топган. Фуқаролар ва юридик шахслар ўзларига тегишли фуқаролик ҳуқуқларини, шу жумладан, уларни ҳимоя қилиш ҳуқуқини ҳам ўз хоҳишларига кўра тасарруф қиласидилар ва ҳеч ким уларни амалга оширишга тўсқинлик қилишга ҳақли эмас. Фуқаролик ҳуқуқларини амалга ошириш бошқа шахсларнинг ҳуқуқлари ва қонун билан қўриқланадиган манфаатларини бузмаслиги лозим. Фуқаролик-хукукий муносабатлар иштирокчиларининг ҳалол, оқилона ва адолат билан ҳаракат қилиши назарда тутилади.

Фуқаролар ва юридик шахслар ўз ҳуқуқларини амалга оширишда жамиятнинг маънавий тамойиллари ва ахлоқий нормаларини хурмат қилишлари, тадбиркорлар эса иш одоби қоидаларига ҳам риоя этишлари керак. Фуқаролар ва юридик шахсларнинг бошқа шахсга зарар етказишга, бошқача шаклларда ҳуқуқни суистеъмол қилишга, шунингдек, ҳуқуқни унинг мақсадига зид тарзда амалга оширишига қаратилган ҳаракатларига йўл қўйилмайди.

е) бузилган ҳуқуқларнинг тикланиши, уларнинг суд орқали ҳимоя қилинишини таъминлаш ҳам фуқаролик ҳуқуқининг асосий тамойилларидан ҳисобланади. Шу билан изоҳланадики, фуқаролик-хукукий жавобгарлик ҳуқуқбузарлик содир этганинг шахсига эмас, балки шахснинг бузилган ҳуқуқларининг тикланишига, ҳуқуқбузарлик оқибатида унга етказилган моддий заарларни ва маънавий зиённинг қопланишига қаратилади.

Барча ҳолатларда фуқаролик ҳуқуқларини суд тартибида ҳимоя қилиш демократик тамойилларнинг фуқаролик қонун хужжатларига жорий этилишининг ўзига хос исботи бўлиб ҳисобланади. Ушбу тартиб қўйидаги икки қоидани ўзида мустаҳкамлайди: а) ФКда ва бошқа қонунларда тегишли қўрсатма бор-йўқлигидан қатъий назар фуқаролик ҳуқуқларини маъмурий тартибда ҳимоя қилиш ҳисобланади (ФКнинг 10-м. 2-қ.). Бироқ бунда ҳам маъмурий тартибда қабул қилинган қарорлар устидан судга шикоят қилиш мумкин, демак маъмурий тартиб устидан ҳам суд назорати мавжуд; б) суд фуқаролик ҳуқуқларини бузувчи хужжатларни, яъни улар давлат органлари ёки фуқароларнинг ўзини ўзи бошқариш органлари томонидан қабул қилинганидан

қатъий назар, ҳақиқий эмас деб топилиши мумкин. Фуқаролик ҳуқуқининг юқорида санаб ўтилган раҳбарий қоидалари, асосий негизлари реал турмушдан узилган мавҳум мулоҳазалар эмас. Ушбу тамойиллар ижтимоий тараққиёт эҳтиёжларини ўзида тўлиқ мужассамлаштирувчи инъикоси ҳисобланади. Юқорида кўрсатилган фуқаролик қонун ҳужжатларининг асосий негизлари (тамойил)ларининг ҳеч бири мутлоқ характерга эга эмас. Уларнинг барчаси юридик тартиботни, кўпроқ эса фактик (амалиёт) тартиботнинг у ёки бу истиснолари таъсири доирасига тушади. Ушбу раҳбарий қоидаларнинг (тамойилларнинг) асосий қиймати шундаки, улар биргаликда мажмуа сифатида фуқаролик қонун ҳужжатларини мулкий ва номулкий муносабатларни энг самарали тарзда тартибга солишга қодир бўлган демократик типдаги яхлит тизимли тузилма сифатида шакллантиради. Шуни ҳам таъкидлаш лозимки, муайян ҳолатларда фуқаролик қонун ҳужжатларининг асосий негизлари, масалан, ҳукуқ аналогияси (ўхшашлиги)дан фойдаланишда муайян ҳукукий муносабатларда тарафларнинг ҳукуқ ва мажбуриятларини бевосита белгилаш манбаси бўлиб ҳам хизмат қилиши мумкин.

Ушбу модданинг иккинчи қисмида фуқаролар ва юридик шахсларни қонунда назарда тутилган фуқаролик ҳукуқларига эга бўлиш ва амалга оширишда эркинлиги тамойили мустаҳкамланган. Бунда ўз «эркларига кўра» ва «ўз манфаатларини кўзлаб» тушунчалари фуқаролик қонун ҳужжатларини қўллаш босқичида ушбу тамойилни умумий йўналтирувчи ҳаракатини белгилайди. Албатта, уларни ҳар доим ҳам том маънода талқин этиш тўғри бўлмаган бўлур эди, чунки фуқаролик ҳукуқларига эга бўлиш ва амалга ошириш «ўз эрки билан эмас» (масалан, васийларни вояга етмаганларга нисбатан ҳаракатлари) ва «ўз манфаатларини кўзламаган» ҳолда (масалан, бошқа шахслар, давлат, жамият манфаатларини кўзлаб) намоён бўлиш ҳоллари ҳам учрайди. Шарҳланаётган модданинг 3-қисмида товарлар, хизматлар ва молиявий маблағларни Ўзбекистон Республикасининг бутун ҳудудида эркин ҳаракатда бўлиши тўғрисидаги норма ўз ифодасини топган, бу эса мамлакатни ягона иқтисодий майдон сифатида мавжудлигининг муҳим шарти ҳисобланади. Ушбу модданинг 4-қисмида товарлар, хизматлар ва молиявий маблағларнинг эркин ҳаракатини чеклаш асослари белгиланган бўлиб, буни амалга оширишга давлат ва жамият хавфсизлигини, инсонлар соғлиғи ва ҳаётини, табиатнинг ва маданий бойликларнинг муҳофаза қилинишини таъминлаш мақсадида давлат ҳокимияти органлари томонидан маҳсус норматив ҳукукий ҳужжат қабул қилиш орқалигина йўл қўйилади.³

ФОЙДАЛАНИЛГАН АДАБИЁТЛАР:

1. “Фуқаролик ҳукуқи” дарслер. Ўзбекистон Республикаси Адлия Вазирлиги Тошкент давлат юридик университети. Ўзбекистон Республикаси Адлия вазирлиги юридик коллеж ўқувчиларига мўлжалланган. Тошкент 2019;

³ ЎЗБЕКИСТОН РЕСПУБЛИКАСИ ФУҚАРОЛИК КОДЕКСИГА ШАРХ. 1-ЖИЛД.

Ўзбекистон Республикаси Фанлар Академиясининг академиги, юридик фанлари доктори, профессор X. Р.

РахмонҚулов, Юридик фанлари доктори, профессор О. О. Оқолов таҳрири остида.

Тошкент «Вектор-Пресс» 2010. <https://www.osce.org/files/f/documents/87/74875.pdf>

2. Ўзбекистон Республикасининг Фуқаролик кодекси. (2021 йил 1 марта гача бўлган ўзгартиш ва қўшимчалар билан). Ўзбекистон Республикаси Қонун хужжатлари маълумотлари миллый базаси www.lex.uz (расмий манба) асосида. Тошкент “Yuridik adabiyotlar publish” 2021.

<https://lex.uz/docs/111189> ;

3. Ўзбекистон Республикаси Фуқаролик кодексига шарҳ . 1-жилд.

Ўзбекистон Республикаси Фанлар Академиясининг академиги, юридик фанлари доктори, профессор X. Р. Раҳмонқулов, юридик фанлари доктори, профессор О. О. Оқюлов таҳрири остида. Тошкент «Вектор-Пресс» 2010. <https://www.osce.org/files/f/documents/8/7/74875.pdf>.